



28. februar 2011

Inatsisartut Suleriaasianni §37 naapertorlugu Naalakkersuisunut apeqquq imaattoq matumuuna saqqummiuppara:

**Naalakkersuisunut apeqquq:**

**Savissivimmi attaveqaatit sivisoorsuarmik attaveeruteqqanerisa kingornatigut, Naalakkersuisut aammalu Tele Greenland-ip taamatut pisoqaqqinnginnissaa qulakkeerniarlugu qanoq suliniuteqarpat?**

(Inatsisartunut ilaasorta, Doris Jakobsen Siumut)

**Tungavilersuut:**

26. januar 2011 Savissivimmi attaveqaatit attaveerupput, tamatuma kinguneraa imaaliallaannaq avammut attaveqarsinnaajunnaarneq aammalu aningaasanik tiguisinnaajunnaarneq.

Taamatut attaveerunneq qaammatip ataatsip miss. sivilissuseqarpoq. Nunaqarfimmi innuttaasunut ilaqaataasunullu avataaniittunut annertuumik eqquisumik.

Qularinngilluinnarpara, Nuummi taamatut attaveerussimagaluarutta ajornartorsiut piaarnerpaamik iliuuseqarfigineqarluni aaqqiiffineqarsimassagaluartoq. Kiammi takorloorsinnaavaa, qaammammi ataatsimi avammut attaveqarsinnaajunnaarneq aammalu aningaasanik tiguisinnaajunnaarneq?

Uagut qinikkatut isiginngitsuusaaginnarsinnaanngilagut, nunatsinni innuttaaqatigut isorliunerusu-niittut uatsinnik allaanerusumik sullinneqarnerat tamannami akuersaarneqarsinnaanngilluinnarmat.

Taamaammat paaserusuppara Naalakkersuisut aammalu Tele Greenland-ip taamatut pisoqaqqinnginnissaa qulakkeerniarlugu qanoq suliniuteqarniarnersut?

Taamatut apeqquteqaateqarlunga neriuutigaara, ullut qulit suliffiusut iluanni apeqquteqaatiga akineqarumaartoq.